



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დაჩი

დაჩი უ ჯ ა რ მ ე ლ ი, ქართლის მეფე VI ს. დამდეგს, ვახტანგ I გორგასალის ძე.

იზრდებოდა უჯარმაში და ცნობილია ამ ზედწოდებით. ჯუანშერის ცნობით, დ-მ დაასრულა ვახტანგ გორგასალის დროს დაწყებული თბილისის ზღუდის მშენებლობა და მამის ანდერძის თანახმად, სატახტო ქალაქი მცხეთიდან თბილისში გადაიტანა, მცხეთა დარჩა საკათოლიკოსო ცენტრად.

მის დროს თბილისში მოსახლეობა მომრავლდა, აშენდა მარიაშენი ეკლესია (იხ. სტ. ანჩისხატი).

წყარო: მოქცევაქართლისად, წგ.: ძველი ქართული აგიოგრაფიული ლიტერატურის ძეგლები, წგ. 1, ილ. აბულაძის რედ., თბ., 1963; ჯუანშერი, ცხოვრება ვახტანგ გორგასალისა, წგ.: ქართლის ცხოვრება, ს. ყაუხჩიშვილის გამოც., ტ. 1, თბ., 1955.

ლ. ფარცხალაძე
